

編年通載

四

編年通載第四



後漢 世祖光武皇帝

諱秀字文叔諡法能紹前業曰武高祖九世孫出高

而孤養於叔父良年二十八與兄伯升及李通起於宛

正月平陵人方望立前孺子嬰為天子更始遣李松擊斬之

四月公孫述自稱天子號成家建元曰龍興光武北擊尤來大

搶五幡諸賊大破滅之

諸將上尊號六月己未光武即皇帝位於鄧南建元大赦天下

建武元年

都洛陽

是月赤眉樊崇等立劉盆子為帝建元曰建世七月鄧禹為

司徒王梁為大司空吳漢為大司馬

九月赤眉入長安聖公降盆子封為長沙王尋殺之

十一月劉永自稱天子於睢陽

十二月盧芳起安定匈奴立芳為漢帝

通載四

陳

丙 戌

二年

正月甲子朔日有食之 赤眉焚西京宮室發掘園陵寇掠關中

二月煥陽太守彭寵反攻幽州牧朱浮於薊延岑自稱武安王於

漢中 四月封宗室為王功臣皆為列侯 六月戊戌立貴人郭

氏為皇后子彊為皇太子大赦天下 八月帝自將征五校大破降之

蓋延伐劉永拔睢陽永奔譙 關中饑民相食赤眉入長安 十一月

馬青犢尤來餘賊立孫登為天子於上郡 伏隆招張步降之

十二月赤眉衆尚二十餘萬食盡乃引而東歸

丁 亥

三年

閏正月馮異大破赤眉於崤底帝自將征之次宜陽赤眉震怖

高皇帝璽綬降 二月祠高廟受傳國璽 劉永立董憲為海

王張步為齊王步殺伏隆而反 三月彭寵自立為燕王 五月

乙卯晦日有食之六月壬戌大赦天下 秋蓋延攻拔睢陽

永而蘇茂周建立永子紆為梁王 李憲自立為天子擁九

卜餘萬西州大將軍隗囂奉奏報以殊禮

四年

七月馬武王霸圍刺於垂也

八月馬成率三將軍圍李憲於舒

五年

二月馬武王霸拔垂惠將奔 彭家為其 頭子...

陽平 三月平狄將軍... 四月早... 五月...

遣使貢獻 八月... 十二月... 月取...

張步... 十二月... 月取...

二

六年

正月馬成等... 五月... 將軍...

四月辛長安... 將軍...

九月丙寅... 將軍...

與隗... 將軍...

可奴遣使來獻... 將軍...

七年

三... 孫述立...

庚亥晦日有食... 將軍...

八月隗... 將軍...

壬辰

八年

閏四月帝自征隗囂竇融率五郡太守與車駕會高平隴右漢
奔西城 潁川盜賊寇沒屬縣京師騷動帝自征之盜賊皆降
秋大水 十二月高句麗王遣使奉貢

癸巳

九年

正月隗囂病死其將王元周宗復立囂子純為王
八月遣來歙監焉異等五將軍討隗純於天水

甲午

十年

八月幸長安祠高廟遂有事十一陵
十月來歙耿种等大破隗純於落門降之其將王元奔蜀隴右平
吳漢擊盧芳敗之 先零羌寇金城隴西來歙率諸將擊破之

通載四

三

章精

乙未

十一年

閏二月岑彭率舟師伐公孫述六月來歙馬成破述將王元環安
於下辯安遣人刺殺歙 八月岑彭滅官破述將侯丹延岑降王
元十月述遣人刺殺岑彭馬成平武都 十二月吳漢率舟師伐
蜀 是歲先零羌寇臨洮馬援擊破之

丙申

十二年

十一月戊寅吳漢滅官大破公孫述於成都述被創夜死辛巳吳
漢屠成都夷述宗族及延岑等
十二月詔邊吏力不足戰則守追虜料敵不拘以逗留法
九月徵外蠻夷張遊率種人內屬封為歸漢侯

丁酉

十三年

二月盧芳自五原亡入匈奴 宗室及絕國封侯者凡一百三十
七人降諸王為公 四月吳漢自蜀還功臣增邑更封凡三百六
十五人其外戚恩澤封者四十五人 五月匈奴寇河東七月廣
漢徵外白馬羌豪率種人內屬九月日南徵外蠻夷奉獻

戊戌

十四年 正月匈奴遣使奉獻使中郎將劉襄報命
四月封孔子後志為褒成侯
莎車國鄯善國遣使奉獻

己亥

十五年 正月丁未有星孛於昴又有星孛於營室
四月封皇子十人為公追謚兄伯升為齊武公仲為魯哀公
十二月盧芳自匈奴入居高柳

庚子

十六年 二月交阯女子登側反九真日南合浦盜群起 三月辛丑晦日
有蝕之 秋郡國大姓及群盜起攻劫青徐幽冀尤甚遣使馳自
相追捕並解散 盧芳遣使乞降十二月封芳為代王 是歲始
行五銖錢

通載四

四

余集

辛丑

十七年 二月乙亥晦日有食之 四月乙卯南巡守皇太子從 十月皇
后郭氏以怨懟廢為中山王太后以子輔為中山王立貴人陰氏
為皇后 皇子皆進爵為王 莎車國遣使貢獻

壬寅

十八年 二月西巡守幸長安三月祠高廟遂有事十一陵進幸蒲坂祠后土
四月遣馬援率樓船將軍段志等擊交阯賊至浪泊登側等元
五月旱 盧芳復入匈奴遂死胡中是歲罷州牧置刺史

癸卯

十九年 正月追尊宣帝曰中宗始祠昭帝元帝於太廟成哀平帝於長安
春陵節侯以下四世於章陵 四月馬援破交阯斬登側因擊九
真賊破降之 六月皇太子彊以母廢固請避位詔封為東海王
以東海王陽為皇太子改名莊 九月南巡守 西南夷寇益

甲辰

二十年大司空 秋東夷韓國人率眾詣樂浪內附 十月東巡守
十二月匈奴寇天水 五月匈奴寇上黨天水遂至扶風 六月蔡茂為大司徒朱浮為

乙巳

二十一年 正月劉尚討破益州夷平之 秋鮮卑寇遼東太守祭彤大破之
窮追出塞自是震怖 十月匈奴寇上谷中山 冬鄯善王車師
王等十六國遣子入侍奉獻願請都護帝以中國初定未遑外事
乃還其侍子厚加賞賜

丙午

二十二年 閏正月幸長安祠高廟遂有事十一陵 五月乙未晦日有食之
九月戊辰地震裂 十月朱浮免杜林為大司空 青州蝗
匈奴莫鞬日逐王比請和親使中郎將李茂報命烏桓擊破匈奴
匈奴北徙幕南地空是時匈奴國亂諸將滅宮等爭請擊之帝不許

通載四

五

顧忠

丁未

二十三年 正月南郡蠻叛遣劉尚討破之徙其種人於江夏 五月蔡茂薨
九月以王況為大司徒 八月杜林薨十月以張純為大司空
冬高句麗率種人詣樂浪內屬 十二月武陵蠻叛寇掠郡縣劉
尚討之軍敗沒 匈奴莫鞬日逐王比率部曲遣使內附

戊申

二十四年 春匈奴莫鞬日逐王比遣使款五原塞求扞禦北虜
七月武陵蠻寇臨沅遣馬援率四將軍討之
十月匈奴莫鞬日逐王比自立為南單于於是分為南北匈奴

己酉

二十五年 春烏桓大人來朝南單于遣使貢獻奉藩稱臣又遣左賢王擊破
北匈奴却地千餘里 三月南單于遣子入侍 戊申晦日有食
之 伏波將軍馬援破武陵蠻於臨沅十月叛蠻悉降 夫餘王
遣使奉獻烏桓大人率眾內屬

庚戌

二十六年

正月遣使授南單于璽綬令入居雲中始置使匈奴中郎將將兵衛護之 南單于遣子入侍奉奏詣闕

辛亥

二十七年

四月王況薨五月詔二府去大名又改大司馬為太尉以趙喜為太尉馮勤為司徒 北匈奴遣使詣武威乞和親 益州徼外蠻夷率種人內屬

壬子

二十八年

夏更始子鯉因沛王輔殺司徒恭詔郡縣捕王侯賓客坐死者數千人 八月東海諸王始就國 北匈奴遣使貢獻乞和親

通載四

六

吳亮

癸丑

二十九年

二月丁巳朔日有食之

甲寅

三十年

正月鮮卑大人內屬朝賀 二月東廵守 閏月有星孛于紫宮 五月大水

乙卯

三十一年

五月大水癸酉晦日有食之夏蝗 鮮卑大人於仇賁率種人貢獻封賁為王時南北單于更相攻伐而鮮卑疆盛北匈奴遣使奉獻

丙辰

建武中元元年

正月東巡守二月辛卯柴望岱宗登封太山甲午禱于梁父四月
大赦天下改年夏幸長安 六月馮魴為司空馮勤薨以
李訢為司徒 秋郡國三蝗 十月告祠高廟上薄太后
尊號曰高皇后配食地祇遷呂太后廟主于園 十一月
甲子晦日有食之 是歲初起明堂辟雍靈臺及北郊北域

丁巳

二年

正月辛未初立北郊祀后土 東夷倭奴國王遣使奉獻
二月戊戌上崩於南宮前殿年六十二葬原陵廟曰世祖帝身痛
大業兢兢如不及每旦視朝日仄乃罷講論經理夜分乃寐故能
明慎政體總攬權綱退功臣進文吏是以中興佐命莫不以功名
自終延慶于後

顯宗孝明皇帝

諱莊諡法照臨四方曰明光武第四子母陰皇后 師事博士
桓榮學通尚書 二月戊戌即皇帝位年三十尊皇
后曰皇太后以母弟東平王蒼為驃騎將軍輔政
四月以高密侯鄧禹為太傅 秋燒當羌寇隴西遣竇固馬
武討之

通載四

七

毛詠

戊午

永平元年

正月帝率公卿已下朝謁原陵如元會儀 五月東海恭王彊薨
年三十四王恭謙好禮以德自終 七月馬武等與燒當羌戰
大破之 遼東太守祭彤使鮮卑偏何擊破赤山烏桓斬其渠
帥塞外震龍言胡夷皆來內附

巳未

二年

正月辛未宗祀光武於明堂帝及公卿列侯始服冠冕衣裳玉佩
綬屨以行事赦天下 三月臨辟雍初行大射禮十月行養老禮
以李躬為三老桓榮為五更 甲子西巡守幸長安祠高廟遂有
事於十一陵 是歲始迎氣於五郊初有佛法

庚申

三年

二月以郭丹為司徒虞延為太尉 甲子立貴人馬氏為皇后援
之中元二年 生肅宗帝令后養之撫育勞悴過於
所生遂立為皇太子名炆 六月有星孛于天軀北八月壬申晦
日有蝕之是歲京師及郡國七大水

辛酉

四年

十月郭丹馮勛免以范遷為司徒伏恭為司空

壬戌

五年

二月東平王蒼以輔政久固請歸藩從之

十一月北匈奴寇五原十二月寇雲中南單于擊却之

癸亥

六年

通載四

八

元于

甲子

七年

正月皇太后陰氏崩在位二十四年謚光烈皇后合葬原陵

戊子流星大如杯出織女 北匈奴遣使乞和親

乙丑

八年

正月范遷薨三月以虞延為司徒趙憙行太尉事 六月長星出

柳張犯軒轅刺天舡 秋郡國十四雨水十月壬寅晦日有食之

既 北匈奴寇西河諸郡

丙寅

九年

大有年

為四姓小侯

樊氏郭氏陰氏馬氏子弟

開立學校置五經師

癸酉

十六年

春遣祭彤實固耿秉來苗伐北匈奴實固破呼衍王於天山
屯伊吾盧城耿秉來苗祭彤並無功而還 實固遣班超至西域
西域歸附因留居盤橐城以鎮撫之 五月淮陽王是諱反
徙封阜陵王邢穆下獄死 戊午晦日有食之

甲戌

十七年

二月鮑昱為司徒 西南夷哀牢僭耳焦僥槃木白狼動黏諸
慕義貢獻 西域諸國遣子入侍 十一月實固耿秉劉張擊
白山虜於蒲類海上遂入車師降其王復置西域都護戊己校尉

通載四

十

順

乙亥

十六年

六月有星孛於太微 焉耆龜茲攻西域都護陳睦悉沒其衆
匈奴及車師後王圍戊己校尉耿恭於疎勒城
八月壬子上崩於東宮前殿年四十八葬顯節陵廟曰顯宗
帝善刑法令分明日晏坐朝幽枉必達後宮之家不得封侯
政館陶公主為子求郎不許而賜錢十萬故吏稱其官民安其業
鐘離意宋均之徒常以察慧為言夫豈容人之度未優乎

肅宗孝章皇帝

諱炆 繼法溫克 顯宗第五子母賈貴人少寬容好儒術
壬子即皇帝位年十九尊皇后曰皇太后十月大

赦天下

詔以趙憲為太傅司空融為太尉並錄尚書事十一月以第五倫
為司空 詔耿秉屯酒泉遣太守段彭殺耿恭 甲辰晦日有
食之

丙子

建初元年

正月酒泉太守段彭討車師大破之分兵令范羌迎耿恭還關
已校尉官西域遂絕 詔班超還至于闐王侯已下皆涕泣不
聽還超復屯踈勒 二月武陵澧中蠻叛十月破
三月甲寅山陽東平地震八月有星孛于天市
九月永昌哀牢夷叛 十一月阜陵王延謀反貶為阜陵侯

二年

三月罷伊吾盧屯兵永平十 永昌越雋益州三郡民夷討
牢破平之 六月燒當羌 叛寇漢陽八月馬防討平之
十二月有星孛于紫宮

三年

三月癸巳立貴人竇氏為皇后 融曾孫 四月馬防破燒當羌
降洗 閏月班超擊姑墨大破之 十月武陵澧中蠻叛

通載四

十一

十一

巳卯

四年

四月戊子立皇子慶為皇太子仿為千乘王全為平春王
李融薨五月以鮑昱為太尉相虛 為司徒 是歲作白虎議奏
六月癸巳皇太后馬氏崩謚曰明德七月合葬于顯節陵在

庚辰

五年

二月庚辰朔日有食之 三月荆豫兵討武陵澧中叛蠻破
降之 冬始行月令迎氣樂 西域假司馬班超擊踈勒破之

辛巳

六年

六月辛未晦日有食之
七月癸巳以鄧彪為太尉

壬午

七年

竇后寵盛惡皇太子母宋貴人誣以巫蠱賜死六月甲寅廢皇太子慶
為清河王而立梁貴人子肇為皇太子又構貴人父竦殺之貴人以
憂卒 十月西巡守幸長安祠高廟遂有事十二陵
是歲京師及郡國蝗

癸未 八年

六月北匈奴大人率眾款塞降
十二月東巡守 京師及郡國螟

甲申

元和元年

正月日南徼外蠻夷獻生犀白雉 八月都彪罷以鄭洪為太尉
癸酉詔改元降繫囚罪
丁酉南巡守幸章陵

乙酉

二年

二月甲寅始用四分歷 丙辰東巡守乙丑帝耕於定陶辛未
幸太山柴告岱宗 壬申宗祀五帝于汶上明堂癸酉告祠二壇
四宗大赦天下
三月幸魯祠孔子於闕里及七十二弟子
四月乙巳客星入紫宮 班超發諸國兵擊莎車降之

通載四

十二

吳光

丙戌

三年

正月北巡守辛丑帝耕于懷遠幸元氏祠光武顯宗
鄭洪弟五倫免四月以宋由為太尉五月以袁安為司空
九月燒當羌叛寇隴西西域長史班超擊斬疏勒王

丁亥

章和元年

六月栢虞免以袁安為司徒任隗為司空
七月齊王晃有罪貶為蕪湖侯 鮮卑擊破北單于斬之
燒當羌寇金城護羌校尉劉盱討之斬其渠帥
壬戌詔改元八月南巡守 乙未晦日有食之
九月阜陵侯延復封為王 十月北匈奴屋蘭儲等率眾降
班超擊莎車大破之月氏國獻扶拔師子

戊 二年

正月壬辰上崩於章德前殿年三十三三月葬于恭陵廟曰肅宗
章帝素知人厭明帝苛切事從寬厚平徭簡賦人賴其慶奉承明
德太后盡心孝道割裂名都崇建周親在位十三年郡國所上符
瑞數百千所烏呼懋哉

孝和皇帝

諱肇

諡法不剛不柔曰和

肅宗第四子母梁貴人竇皇后養帝為己子

二月壬辰即皇帝位年十歲尊皇后曰皇太后太后臨朝

以鄧彪為大傅錄尚書事 五月京師旱 冬安息國獻師子扶也

十月太后兄憲管掌機密與耿東將三萬騎伐北匈奴

通載四

十三

廣忠

巳 丑

永元元年

六月竇憲鄧鴻南單于大破北匈奴於稽落山追至和渠北觀海
憲遂登燕然山刻石勒功而還北單于遣弟右温禺鞨王奉獻
貢獻 七月會稽山崩

九月以竇憲為大將軍三弟皆列九卿 郡國九大水

庚 寅

二年

二月壬午日有食之 五月封皇弟壽開淑為濟北河間城陽
王 巳未遣閻罽討北匈奴取伊吾盧地 車師前後王並遣
子入侍 月氏國遣兵攻長史班超超擊降之
九月北匈奴遣使稱臣奉貢詔中郎將班固報命
十月南單于遣兵擊北匈奴於河雲北大破之

辛卯

三年

正月甲子帝加元服 二月耿莫圖北單于於金微山大破之獲其
母闕氏 十月幸長安十一月祠高廟遂有事十一陵 龜茲諸
國皆降以班超為西域都護 十二月復置戊巳校尉官

壬辰

四年

正月北匈奴右谷蠡王於除鞬自立為單于款塞乞降遣耿莫綏
璽綏 三月以丁鴻為司徒 六月戊戌朔日有食之丙辰郡
十三地震 竇憲潛圖弑逆帝陰與清河王慶官者鄭眾謀誅
之庚申幸北官詔收捕憲黨憲及弟篤景皆自殺帝始親政事
以鄭眾為大長秋官官用權自此始 七月宋由坐黨憲自殺八
月以尹睦為太尉錄尚書事十月以劉方為司空
武陵零陵遭中蠻叛燒當羌寇金城

通載四

十四

章精

癸巳

五年

二月隴西地震六月丁酉郡國三雨雹 九月匈奴單于於除鞬
叛遣任尚討滅之 十一月以張酺為太尉 武陵郡兵破叛蠻
降之 護羌校尉賈友討燒當羌遁去 南單于安國叛骨
侯喜斬之

甲午

六年

正月永昌徼外夷遣使譯獻犀牛大象 二月以劉方為司徒
張奮為司空 四月蜀郡徼外羌率種人遣使內附 七月京師
旱錄囚徒舉冤獄未及還宮而雨班超大破焉耆尉犁斬其三
自是西域降服納質者五十餘國
南單于安國從弟子逢侯率叛胡亡塞十月任尚率烏桓擊
大破逢侯馮柱遣兵追擊復之

乙未

十七年正月丁未未有流星起天津入紫宮四月辛亥卯日有食
七月易陽地裂九月癸卯京師地震

丙申

八年

二月己丑立貴人陰氏為皇后 五月南匈奴右温禺犢王叛為
寇七月龐奮馮柱追討斬之車師後王叛擊其前王
九月蝗十二月南宮宣室殿火
十月北海王威坐誹謗召詣廷尉道自殺

丁酉

九年

正月永昌徼外蠻夷反揮國書譯奉貢 三月庚辰隴西地震
西域長史王林擊車師後王斬之 六月蝗七月飛過京師
八月鮮卑寇肥如閏月燒當羌寇隴西討破之 辛巳皇太后
寶氏崩謚曰章德 九月追尊皇妣梁貴人為恭懷皇后追
服喪制
十二月以呂蓋為司徒十二月以韓稭為司空

通載四

十五

既子

戊戌

十年

五月京師大水 八月以巢堪為司空
十二月燒當羌豪迷唐等率種人詣闕貢獻

己亥

十一年

四月大赦天下

庚子

十二年

二月旄牛徼外白狼獲薄夷率種人內屬 四月日南象林蠻夷
反討破之
閏月秭歸山崩七月辛亥朔日有食 九月以張禹為太尉張
酺免 十一月西域蒙奇兜勒 國遣使因附
燒當羌復叛

丙

延平元年

正月以張禹為太傅徐防為太尉參錄尚書事梁鮪為司徒鄧騭

為車騎將軍封兄勝為平原王

四月鮮卑寇漁陽

何東垣山崩六月郡國三十七雨水

尹勤為司空 八月辛亥帝崩年二歲葬康陵

孝安皇帝

諱祐蓋法覽容肅宗之孫父清河孝王慶母左姬

鄧太后與兄隲定策迎帝以嗣孝和

癸丑即皇帝位年十三太后猶臨朝

九月六州大水隕石于陳留十月雨雹

西域諸國叛攻都護任尚遣梁慄救尚擊破之尚等還遂棄

午

通載四

七

金

丁

永初元年

正月癸酉朔大赦天下

蜀郡徼外羌內屬

三月癸酉日有食之

永昌徼外焦僥種夷貢獻內屬

五月以魯恭為司徒

戊寅熒惑守心前星

九真徼外夜郎蠻夷舉土內屬

六月河東地陷

罷西域都護先零種羌叛與鐘羌斷隴道大為寇掠遣鄧騭任

尚討之 九月以張禹為太尉周章為司空初上立非大臣意十

一月周章密謀廢誅鄧騭兄弟廢太后及帝而立平原王事覺

策免自殺十二月以張敏為司空

是歲郡國十八地震四十一雨水二十八風雨雹

未

甲寅

元初元年

正月甲子改元 二月己卯日南地圻長百八十二里廣五十六里
三月癸酉日有食之 四月京師及郡國五旱蝗六月河東地
陷 九月李脩罷以司馬苞為太尉 先零寇雍城又寇武都
漢中絕隴道 十月戊子朔日有食之是歲郡國十五地震

乙卯

二年

四月丙午立貴人閻氏為皇后
五月京師旱河南及郡國十九蝗六月洛陽新城地裂
司馬苞薨七月以馬英為太尉
九月壬午晦日有食之
八月遼東鮮卑入寇
十月仲光杜恢取溥與先零戰於丁奚城敗績死之
武陵澧中蠻叛州郡擊破之
十一月郡國十地震
十二月夏勤罷以劉愷為司徒表敞為司空

通載四

十九

丙辰

三年

正月蒼梧鬱林合浦蠻夷叛 十月降
二月郡國十地震三月辛亥日有食之
五月鄧遵率南匈奴擊先零羌破之
六月任尚遣兵入破之於丁奚城
越蕩徼外夷舉種內屬
七月維氏地圻十一月郡國九地震
任尚又破先零羌於北地

丁巳

四年

二月乙巳朔日有食之乙卯大赦天下壬戌武庫災
四月司空表敞自殺以李郃為司空
六月戊辰三郡雨雹七月京師及郡國十雨水九月太白入南斗口中
鮮卑寇遼西擊破之
任尚使客刺殺叛羌零昌十二月尚及馬賢與戰大破降之隴右
平郡國十三地震

戊午

五年

正月越雋夷叛夏高句驪與濊貊寇遼東 八月丙申朔日有食之
鮮卑寇代郡上谷 是歲京師旱郡國十四地震

巳

六年

二月京師及郡國四十二地震或圻裂水泉涌出七月鮮卑寇馬
城鄧遵率南單于擊破之
十二月戊午朔日有食之既郡國八地震
是歲永昌益州蜀郡夷叛與越雋夷播城邑張喬討破之
北單于與車師後部王攻敦煌長史索班殺之略有北道諸國以
軍司馬班勇為西域長史屯樓蘭勇發部善及車師前部兵
擊破後部王及匈奴使者斬之

未

庚申

永寧元年

三月車師後王叛殺部司馬沈氏羌寇張掖馬賢討破之
四月立皇子保為皇太子改元大赦天下 七月乙酉朔日有食之
十月李邵免陳襄為司空 京師及郡國三十三大風雨水二十
三地震 十二月永昌徼外橐國遣使貢獻 劉愷罷楊震為司徒

通載四

二十

章楷

辛酉

建光元年

三月和熹鄧太后崩戊申追尊皇考清河孝王曰孝德皇皇妣左
氏曰孝德皇后祖妣宋貴人曰恭隱皇后
四月樂成王萇坐輕慢不孝廢為臨湖侯宮者江京李閏乳母王
聖等誣告鄧騭鄧遵兄弟謀廢立五月皆自殺帝始親
政京閏王聖用事七月己卯改元大赦天下
秋京師及郡國二十九雨水十月三十五地震
十二月高句驪馬韓穢貊圍遼東城夫餘王遣子與州郡并
力討破之

壬戌

建寧元年

二月夫餘王遣兵救遼東擊高句驪馬韓穢貊破之遂遣使貢獻
三月丙午改元大赦天下 四月京師郡國二十一雨雹
陳襄免五月以劉授為司空六月郡國蝗七月京師及郡國十四
地震九月二十七日地震 高句驪王降冬鮮卑寇鴈門定襄
九原 九真徼外蠻夷貢獻內屬

丙寅

永建元年

正月辛未皇太后閻氏崩謚安思在位十二年合葬恭陵
馮石劉熹李邵免 二月以栢焉為太傅朱寵為太尉
錄尚書事朱伉為司徒

十月陶敦免張皓為司空 八月鮮卑寇代郡太守李超戰歿

丁卯

二年

二月鮮卑寇遼東耿曄率南單于擊破之 三月疏勒國遣使
奉獻 帝母李氏瘞在洛陽城北帝初不知及是左右白之帝
感悟發哀上尊謚曰恭愍皇后更葬恭北陵 西域長史班勇
討焉耆尉犁危須三國破之並遣子貢獻 七月甲戌朔日有
食之 朱寵朱伉罷以劉光為太尉錄尚書事許鴻卿為司徒

戊辰

三年

正月京師地震漢陽地陷裂六月旱 秋鮮卑寇漁陽
七月茂陵園寢災帝縞素避正殿 十二月栢焉免

通載四

二十二

余步

己巳

四年

正月丙子帝加元服 五月桂陽太守文龔獻大珠詔封還之
五州雨水 八月張皓免九月龐參為太尉錄尚書事王真為
司空十二月劉崎為司徒
冬鮮卑寇朔方 拘彌國遣使貢獻

庚午

五年

正月疏勒王遣侍子及大宛莎車王皆貢獻
京師及郡國十二蝗

辛未

六年

秋護烏桓校尉耿曄遣兵擊鮮卑破之 于闐王遣侍子貢獻
十月太白晝見 十二月日南徼外葉調國揮國遣使貢獻
壬申客星出牽牛

申壬

陽嘉元年

正月乙巳立皇后梁氏諱嬪梁海賊曾旌等寇會稽三縣緣
海縣各屯兵戍珠曾孫三月大赦改元 七月太史令張衡始作候
風地動銅儀 九月鮮卑寇遼東
十一月望都蒲陰狼殺女子九十七人十二月客星出天苑

酉癸

二年

三月王稠率左骨都侯等擊鮮卑破之 四月己巳京師地震
六月洛陽地陷 王龔龐參免以孔扶為司空施延為太尉
疏勒國獻師子封牛 爵乳母宗娥為山陽君左雄請以錢千
萬歲給阿母而勿封爵不聽 冬始復黃鐘作樂器隨月律

戌甲

三年

四月車師後部司馬率後部王加特奴等掩擊匈奴大破之獲
其季母 五月戊戌以春夏連旱大赦天下 秋鍾羌寇隴西
漢陽十月馬續擊破之 劉崎孔扶免 十月以黃尚為司徒
王卓為司空

通載四

二十三

吳亮

亥乙

四年

二月初聽中官得以養子為後世襲封爵 夏以后父梁商為
大將軍輔政施延免龐參為太尉 閏七月丁亥朔日有食之
十二月京師地震

子丙

永和元年

正月夫餘王來朝 己巳宗祀明堂改元大赦天下
冬武陵太守上言蠻夷懷漢恩請入貢比漢民虞詡以為不
可弗聽
十一月龐參罷以王龔為太尉 十二月象林蠻夷叛

丑丁

五年

春武陵蠻以貢非舊約叛武陵太守李進擊破之
三月以郭虔為司空 四月京師地震五月太白晝見六月災
或入南斗
日南叛九真交阯二郡兵反議欲遣大將發兵擊之李固以為
煩擾無益請精擇牧守委任而責成功從之交阯獲安

戊寅

三年

二月京師及金城隴西地震二郡山岸崩地陷太白犯熒惑四月京師地震 六月祝良張喬慰誘日南叛蠻降之嶺外平 七月黃尚免八月以劉壽為司徒 十月燒當羌寇金城馬賢擊破之羌遂相招而叛 十二月戊戌朔日有食之

己卯

四年

三月京師地震 四月馬賢討燒當羌大破之戊午大赦天下

庚辰

五年

二月京師地震 四月南匈奴左部勾龍大人吾斯車紐等叛寇西河五月馬續討破之既降使匈奴中郎將陳龜追殺南單于龜下獄誅句龍吾斯等立車紐為單于 己丑晦日有食之 王龔罷九月以桓焉為太尉 十一月使匈奴中郎將張耽擊破南匈奴叛者車紐降

通載四

二十四

續志

辛巳

六年

正月馬賢與且凍羌戰于射姑山賢軍敗沒 二月有星孛于營室 郭虔免三月以趙戒為司空 五月張耽大破烏桓羌胡於天山鞏唐羌寇北地 八月梁商薨以其子冀為大將軍輔政 九月諸種羌寇武威 辛亥晦日有食之 十一月以張喬行車騎將軍事將兵屯三輔

壬午

漢安元年

正月癸巳宗祀明堂大赦改元 八月南匈奴左部大人句龍吾斯與莫鞬臺耆等反叛遣杜喬周舉張綱等八人分行州郡舉實臧否是時梁后寵盛冀兄弟權侂人主朝政多僻張綱因劾奏冀事帝雖信綱言亦不罪冀 十月相焉劉壽免十一月以趙峻為太尉胡廣為司徒

癸未

二年

二月鄯善國遣使貢獻 四月趙冲張貢擊燒當羌於參聯塞
六月燒當犯鎮星 立南匈奴守義王瓊樓儲為南單于
十月令郡國中都官擊囚殊死以下出練贖有差 十一月中郎
將馬寔清入到殺句龍吾斯 十二月揚徐盜賊攻燒城寺殺略
吏民 是歲涼州地百八十聚大白晝見

四月己丑 帝崩 太子 詔太子 八叔改元

建康元年

十一月 帝崩 太子 詔太子 八叔改元

帝崩 太子 詔太子 八叔改元

孝冲皇帝

九月 帝崩 太子 詔太子 八叔改元
九月 帝崩 太子 詔太子 八叔改元
九月 帝崩 太子 詔太子 八叔改元
九月 帝崩 太子 詔太子 八叔改元

二十五

庚子

乙酉

孝質皇帝

三月 帝崩 太子 詔太子 八叔改元
三月 帝崩 太子 詔太子 八叔改元
三月 帝崩 太子 詔太子 八叔改元
三月 帝崩 太子 詔太子 八叔改元

丙戌

孝桓皇帝

四月 帝崩 太子 詔太子 八叔改元
四月 帝崩 太子 詔太子 八叔改元
四月 帝崩 太子 詔太子 八叔改元
四月 帝崩 太子 詔太子 八叔改元

亥丁

建和元年

正月辛亥朔日有食之四月京師地震郡國六地裂水涌井溢
六月立皇后梁氏太后之妹 六月胡廣罷以杜喬為太尉九月喬
免十月以趙戒為太尉表湯為司徒胡廣為司空
十一月甘陵人劉文反謀立清河王蒜為天子蒜拒之事
誅蒜坐徙桂陽自殺梁冀因誣前太尉李固杜喬通謀皆
天下寃之 陳留盜賊李堅自稱皇帝伏誅

子戊

二年

正月甲子帝加元服大赦天下 三月帝從皇太后幸大將軍
府時冀專權用親黨貪暴徧於天下大奴秦宮勢震百
方貢獻半入冀家 七月京師大水 十月長平陳景自殺
子南頓管伯稱真人舉兵悉伏誅

丑巳

三年

四月丁卯晦日有食之 六月震憲陵寢屋 七月廉
八月有星孛于天市 京師大水九月地震 郡國五山崩
十月趙戒免以表湯為太尉張歆為司徒

通載四

二十六

寅庚

和平元年

正月甲子太后
二月扶
二月甲
封寵天一
七月梓潼山出
元巳丑太后詔歸政帝始稱制
優白稱皇帝伏誅
梁氏崩諡順烈太后溺於宦官

卯辛

元嘉元年

正
十一月京師地
入下改元夏任城梁國飢民相食
詔歆胡廣罷以吳雄為司徒黃瓊為司空

辰壬

二年

正月京師地震七月庚辰日有食之十月京師地震
四月孝崇皇后馮氏崩 二月黃瓊免三月以特進趙戒為司空

癸巳

永興元年

五月丙申大赦天下改元 七月郡國三十二蝗河水溢百姓飢窮流冗道路數十萬戶 袁湯吳雄趙戒罷免冬以胡廣為太尉黃瓊為司徒房植為司空

甲午

二年

二月京師地震六月彭城泗水增長逆流京師蝗東海胸山崩九月丁卯朔日有食之 胡廣免閏月以黃瓊為太尉尹頌為司徒 蜀郡李伯詐稱宗室當立為太初皇帝伏誅

乙未

永壽元年

正月戊申大赦天下改元 司隸冀州飢人相食六月洛水溢壞鴻德苑南陽大水 房植免以韓續為司空 七月南匈奴左臺且渠伯德等叛張奐討除之

通載四

二七

余集

丙申

二年

七月鮮卑寇雲中 十二月京師地震

丁酉

三年

閏四月庚辰晦日有食之京師蝗七月河東地裂 十一月以韓續為司徒孫代平為司空

戊戌

延熹元年

五月甲戌晦日有食之京師蝗 六月戊寅大赦改元七月雲陽地裂 黃瓊免以胡廣為太尉 十二月鮮卑寇邊張奐率南單于擊破之

己亥

二年

二月鮮卑寇鴈門六月寇遼東七月皇后梁氏崩謚懿獻梁冀謀為亂帝與宦者單超等謀八月丁丑御前殿勒兵收冀與妻皆自殺誅其宗親及公卿或死或免朝廷為之一空壬午立皇后鄧氏追廢懿獻為貴人封單超徐璜左悺唐衡具瑗等五人為侯胡廣免韓續孫代平下獄以黃瓊為太尉祝恬為司徒盛允為司空天竺國來獻

庚子

三年

閏正月燒何羌叛寇張掖段熲追擊於積石大破之白馬令李雲坐直諫下獄死五月漢中山崩六月祝恬薨七月以盛允為司徒虞放為司空九月太山琅邪盜賊群起十二月中郎將宗資討破之勒姐羌圍允街段熲擊破之

通載四

二十八

既于

辛丑

四年

正月南宮嘉德殿火大疫二月武庫火五月有星孛于心京師兩雹三郡地震六月零吾羌與先零諸種並叛寇三輔十月寇并涼二州皇甫規擊破之先是梁州刺史漢陽安定太守皆不任職倚貴戚有司不敢糾規悉條奏其罪羌人聞之皆喜降者二十餘萬論功未賞宦官左悺譖規下獄論輸左校种暲為司徒劉矩為太尉劉寵為司空岱山及博尤來山並積裂冬天竺國大餘王並遣使來獻

壬寅

五年

夏長沙賊零陵賊起寇桂陽蒼梧及南海交趾遣兵討之不克京師地震冬零陵蠻寇長沙武陵蠻寇江陵滇那羌寇武威張掖酒泉十一月以楊秉為太尉是歲南宮丙舍恭陵東關虎賁掖門康陵園寢中藏府承祿舍承善闢皆火

癸卯

六年

三月以許栩為司徒 五月鮮卑寇遼東屬國
陳奉孫羌討武陵蠻滇那羌大破降之 十二月以周景為司空

甲辰

七年

三月隕石于鄠五月京師雨雹七月野王山上有死龍
十月南巡狩 度尚擊零陵桂陽盜賊及蠻夷大破平之護
羌校尉段熲擊當煎羌破之

乙巳

八年

正月丙申晦日有食之 皇后鄧氏以驕忌廢送暴室以憂卒
七月以陳蕃為太尉 九月京師地震 立貴人竇氏為皇后后
父武少有學行名聞關西 十月以劉茂為司空 是時連月火
災諸宮寺或一日三發又夜有訛言擊鼓相驚陳蕃等上疏曰唯
善政可以已之不省 段熲擊罕姐羌及當煎羌於湟中皆大破之
勃海妖賊蓋登等稱太上皇帝有玉印珪璧鐵券相置立皆伏誅

通載四

二十九

願淵

丙午

九年

正月辛亥朔日有食之 沛國戴異得黃金印無文字與廣陵
龍尚共祭并作符書稱太上皇伏誅
三月京師有火光轉行人相驚譟 五月胡廣為司徒
南匈奴及烏桓鮮卑並寇邊 九月周景為太尉
大秦國王安敦遣使奉獻 十二月宜鄩為司空
時宦官親黨布列中外所在貪暴太尉陳蕃司隸校尉李膺
等勳力救時宦官誣告膺等 膺中率 為黨人連海內名士范滂
等二百餘人並坐下獄書名王府

丁未

永康元年

春先零羌寇三輔當前煎羌寇武威張奐段熲擊破之西羌悉平
五月京師及上黨地裂壬子晦日有食之

六月庚申大赦天下悉除黨錮改元
十二月丁丑上崩于德陽前殿年三十六葬宣陵廟號威宗

戊寅尊皇后曰皇太后太后臨朝 指帝誅梁冀奮威怒天下猶企其
依賢力爭屢排姦鋒雖願
依斟流彘亦不可得已

孝靈皇帝

諱宏 諡法亂而不換曰靈 肅宗山南孫父解犢亭侯長毋董夫
相帝無子皇太后與父靈武劉儵定策迎帝正月庚子
即皇帝位年十二改元

以陳蕃為太傅與大將軍竇武司徒胡廣參錄尚書事二月太
故天下

建寧元年

閏月追尊皇祖為孝元皇夫人夏氏為孝元皇后考為孝
仁皇夫人董氏為慎園貴人 四月以王暢為司空暢尋

免以劉寵代之 五月丁未朔日有食之

劉矩為太尉 六月京師雨水

竇武與陳蕃謀誅宦官白太后未決九月中常侍曹節矯詔

誅武蕃等夷其族遷皇太后于南宮以胡廣為太傅錄尚書

事劉寵為司徒許栩為司空剛人襲為太尉

十月甲辰晦日有食之

冬鮮卑及滅貊寇幽并自是 每歲犯塞封曹節王甫等十

八人為侯自是凶黨得志士夫喪氣漢之綱紀大亂矣

通載四

三十

續前

二年

正月大赦天下三月尊董貴人為孝仁皇后 四月大風雨雹
六月以劉寵為太尉許訓為司徒劉翬為司空
七月段熲大破先零羌悉平之
十月中常侍侯覽譙有司奏虞放杜密李膺等皆為鈞黨下
獄死者百餘人妻子徙邊制詔州郡大舉鈞黨於是天下豪傑
及儒學行義者一切結為黨人禁錮郭泰私慟曰漢室滅矣
庚子晦日有食之
十一月以郭禧為太尉

庚 戌

三年

正月河內人婦食夫河南人七食婦 三月丙寅晦日有食之
四月以闕人襲為太尉八月以橋公祖為司空

癸亥

四年

正月甲子帝加元服大赦天下唯黨人不赦 二月地震海水溢河水清 三月辛酉朔日有食之五月河東地裂兩雹山水暴出 七月立貴人宋氏為皇后宋鄭 是歲以李咸為太尉橋公祖為司徒來豔為司空公祖豔尋免以宗俱為司空許相為司徒

壬子

熹平元年

四月青蚘見御坐 五月大赦改元 有司奏侯覽專權驕奢策收印綬自殺 六月癸巳皇太后竇氏母卒於比景后感疾而崩謚曰桓思合葬宣陵 秋有人書朱雀闕云天下大亂公卿皆尸祿官官諷司隸校尉段熲捕繫太學諸生千餘人 十月中官王甫誣渤海王但謀反懼自殺 會稽妖賊許昭自稱陽明皇帝孫堅討破之表魏為司徒

通載四

三十一

吳亮

癸丑

二年

春大疫 二月大赦天下 六月北海地震東萊北海海水溢 冬日南徼外國重譯貢獻 十二月鮮卑寇幽并二州 癸酉晦日有食之 是歲揚賜為司空段熲為太尉賜尋免以唐珍代之

甲寅

三年

正月夫餘國遣使貢獻 秋洛水溢 十二月鮮卑寇北地又寇并州 陳耽為太尉許訓為司空 今天下繫囚罪未決入縑贖歲以為常

乙卯

四年

四月郡國七大水五月延陵園災 三月詔諸儒正五經文字刻石立于太學門外

丙辰

五年

夏永昌太守曹鸞上書訟黨人曰謀反大逆尚蒙赦宥黨人何罪獨不開恕其言切直鸞坐檻車送槐里獄掠殺之詔黨人門生故吏父兄弟在位者皆免官禁錮是歲以許訓為太尉劉逸為司空訓尋罷以劉寬為太尉揚賜為司徒

丁巳

六年

四月大旱七州蝗 鮮卑寇三邊秋田晏因王甫求為將乃與賊曼夏育各將兵萬餘人三道出伐鮮卑大臣多以為不便不聽曼等大敗死者萬數 十月癸丑朔日有食之京師地震南宮平城門及武庫東垣屋自壞 是歲以陳球為司空尋免以陳耽代之孟賾為太尉

通載四

三十二

陳者

癸

光緒元年

正月合浦交趾烏澠蠻叛招引九真曰南民攻沒郡縣 二月辛亥朔日有食之 己未地震 始置鴻都門學生勅州郡三公舉召能為尺牘辭賦及二書鳥篆者充至千人 三月大赦改元 四月地震侍中寺雌雞化為雄 五月有白衣人入德陽殿門言梁伯夏教我上殿因忽不見 六月有黑氣墮所御溫德殿庭中 七月青虹見御坐玉堂後殿庭中

八月有星孛于天市

十月皇后宋氏以無寵廢 丙子晦日有食之

京師馬生人 初開西邸賣官自關內侯虎賁羽林入錢各有

差私令左右賣公卿公千萬卿五百萬

是歲袁滂為司徒陳球為太尉袁逢為司空球尋免以橋公祖代之

午

巳未

二年

春大疫京兆地震 四月甲戌朔日有食之 黃門令王甫大長秋
曹節專權用事太尉段熲附之司隸校尉陽球奏收甫及熲下
獄死又欲收節節諧球於上而殺之 丁酉大赦天下諸黨人禁
錮小功以下皆除之 秋使匈奴中郎將張脩擅斬單于呼微更
立羌渠為單于下獄死 冬司徒劉郃及陳球陽球劉納謀誅
宦者事泄皆下獄死 巴郡板楯蠻叛遣兵討之不剋 十二月
鮮卑寇幽并二州 洛陽女子生兒兩頭四臂 是歲張濟為司
空劉寬為太尉楊賜為司徒

庚申

三年

六月地震涌水出冬有星孛于狼狽 鮮卑寇幽并二州
十二月立貴人何氏為皇后以類 是歲作畢圭靈昆堯

通載四

三十三

願潤

辛酉

四年

正月初置驛驛廢丞領受郡國調馬豪右辜椎馬一匹至二百
萬 六月庚辰雨雹 九月庚寅朔日有食之 許穰為太尉陳耽
為司徒 帝作列肆於後宮使諸采女販鬻爭盜帝著商估張
飲宴為樂又弄狗著進賢冠帶綬 魏郡張博上書室殿山
居屋後宮禁落屋謹呼上收縛考問不自覺知

壬戌

五年

二月大疫 七月有星孛于大微
袁隗為司徒楊賜為太尉

癸亥

六年

正月日南徼外國重譯貢獻
夏大旱秋金城河水溢五原山岸崩

甲子

甲子

二月鉅鹿人張角自稱黃天其部師有三十六萬皆著黃巾同日反叛天下響應 三月大赦天下黨人還諸徙者以何進為大將軍遣盧植皇甫嵩朱雋將兵討黃巾冬嵩雋大破之角先死斬其弟梁及寶自是盜賊起朝廷不能制 十二月大赦改元 鄧盛為太尉張溫為司空 洛陽女子生兒兩頭共身

乙丑

二年

正月大疫 二月南宮天災火半月乃滅 黑山賊張牛角等並起寇鈔北官伯玉等寇三輔 四月大風雨雹 七月三輔螟時帝好為私藏積錢至數千萬羣臣及州郡爭為貢獻刻剥齊民發十款一人不堪命皆聚為盜賊 陳耽劉陶坐直言下獄死 崔烈為司徒張延為太尉許相為司空 洛陽民生兒兩頭四臂

通載四

三十四

通載

丙寅

三年

春鑄四出文錢 五月壬辰晦日有食之 八月懷陵上有雀萬數悲鳴因鬪相殺 冬武陵蠻叛討破之 張溫為太尉前太尉張延為官人所譖下獄死

丁卯

四年

春滎陽賊起夏馬騰王國叛寇三輔 六月洛陽劉倉妻生男兩頭共身 漁陽人張純張舉舉兵叛 護烏桓校尉公綦稠等舉兵自稱天子寇幽冀二州 冬零陵人觀鵠自稱平天將軍孫堅擊斬之 崔烈為太尉許相為司徒丁官為司空 烈尋罷以曹嵩代之 是歲賣關內侯假金紫綬傳世入錢五百萬

戊辰

五年

二月有星孛于紫宮 黃巾餘賊郭大等起於西河白波谷寇太原河東益州黃巾馬相自稱天子休屠各胡寇西河與南匈奴左部胡合殺其單于 九月南單于叛與白波賊寇河東公孫瓚大破張純於石門青徐黃巾復起帝自稱無上將軍耀兵於平樂 六月大風郡國七大水 十月御殿後槐木自拔倒植

六年

三月幽州牧劉虞購斬漁陽賊張純 四月丙午朔日有食之
劉虞為太尉 丙辰上崩于南宮嘉德殿年三十四葬于文陵
諱辯靈帝子戊午即皇帝位年十七尊皇后曰皇太后太后臨朝
大赦天下改元光喜封弟協為陳留王以表隗為太傅與大將軍
何進參錄尚書事

光喜元年

時何進與表紹謀誅中官召并州牧董卓謀泄八月中常侍
段珪等殺進於是表術勒兵燒東西宮攻諸宦者段珪等劫
少帝出幸表紹收諸閣人無少長皆斬之其餘投河而死帝還宮
大赦改元昭寧董卓至自為司空
九月甲戌卓廢帝為洪農王

昭寧元年

孝獻皇帝

諱協 盜法聰明 靈帝中子母王美入 為何皇 甲戌即皇帝
位年九歲遷皇太后於永安宮大赦改元永漢
丙子董卓殺皇太后何氏諡曰靈思 卓自為太尉加鈇
鉞虎賁以劉虞為大司馬楊彪為司空黃琬為司徒

永漢元年

十月白波賊寇河東 十一月董卓為相國 十二月楊彪為司徒
趙為司空 詔除光喜昭寧永漢三號還復中平六年
光喜又作光喜

通載四

三十五

卓賈

庚

初平元年

正月山東州郡曹操孫堅等推表紹為盟主起兵以討董卓
辛卯大赦天下 董卓殺洪農王 二月遷都長安卓驅徙京師百姓
西入關 壬辰白虹貫日 三月車駕入長安卓焚洛陽宮廟殺
太傅表隗夷其族
十一月鎮星熒惑太白合於尾
是歲有司奏和安順相四帝無功德不宜稱宗恭懷恭隱恭惠三
皇后並非正嫡不合禪后皆請除尊號可之
趙謙為太尉王允為司徒种拂為司空

午

辛

二年

二月董卓自為太師遂發掘洛陽諸帝陵 四月入長安
六月地震 孫堅入洛陽韓馥以冀州推表紹為牧
九月蚩尤旗見于角亢
七月以淳于嘉為司空馬日磾為太尉

未

壬申

三年

正月表術遣將孫堅攻劉表於襄陽堅戰歿 曹操大破黃巾
壽張降之 四月司徒王允與卓將呂布共誅卓夷三族允錄尚書
事總朝政 五月董卓部曲將李傕郭汜焚稠張濟等反攻京
師 六月陷長安傕等自為將軍己未大赦天下李傕殺黃琬王允
皆滅其族呂布走傕汜稠共秉朝政
六月趙謙為司徒 七月馬日磾為太傅錄尚書事八月皇甫嵩為
太尉 九月淳于嘉為司徒楊彪為司空並錄尚書事

癸酉

四年

正月甲寅朔日有食之 五月癸酉無雲而雷 六月扶風大風雨雹
華山崩裂 六月天狗西北行 十月京師地震有星孛于天市
十二月地震 夏下邳賊闕宣自稱天子
徐州刺史陶謙殺曹操父嵩操攻謙於彭城下大破之
朱儁為太尉錄尚書事趙溫為司空溫尋免以張喜代之

通載四

三十六

毛

甲戌

興平元年

正月辛酉大赦改元 甲子帝加元服 二月追尊諡皇妣王氏
為靈懷皇后曹操攻陶謙未還操將陳宮及張邈迎呂布為
兖州牧操還擊布不克退屯甄城 六月地再震乙巳晦
日有食之大蝗三輔大旱是時穀一斛五十萬豆一斛二十
萬人相食啖 劉繇與袁術將孫策戰于曲阿繇軍敗績孫策
遂據江東 七月楊彪為太尉 十月趙溫為司徒並錄尚書事

乙亥

二年

二月李傕殺樊稠而與郭汜相攻 三月傕脅帝幸其營焚宮室
四月甲午立貴人伏氏為皇后 郭汜攻李傕矢及御前傕移帝幸北塢 五月傕自為大司馬
六月張濟自陝來和傕汜
七月車駕東歸 十月戊戌夜有赤氣貫紫宮
張濟反與傕汜合 十一月傕汜等追乘輿戰於東澗王師敗績
白波師胡才李樂韓暹及匈奴左賢王去卑率師奉迎與傕
等戰破之十二月王師復敗殺略宮人帝幸安邑

丙子

正月癸酉郊祀上帝於安邑大赦改元 七月車駕至洛陽丁丑郊祀上帝大赦天下 是時宮室燒盡百官披荆棘依牆壁間州郡各擁疆兵而委輸不至羣僚飢乏尚書郎以下自出採稻或飢死或為兵士所殺

建安元年

八月曹操自領司隸校尉錄尚書事沮授說表紹迎帝都鄴紹不從曹操用荀彧計迎帝都許

十二月曹操自為司空行車騎將軍事百官總已以聽自西遷朝廷日亂至是宗廟社稷制度始立 張濟死其子繡領其眾

丁丑

二年

春袁術僭稱天子三月表紹自為大將軍 五月蝗九月漢水溢是歲飢江淮間民相食 封孫策為吳侯 曹操征張繡繡降復反襲敗操軍殺其二子

通載四

三十七

既于

戊寅

三年

四月遣裴茂段煨討李傕夷三族韓暹胡方李樂郭汜皆敗為人所殺呂布叛 十二月曹操擊布於徐州斬之操圍張繡於穰劉表遣兵救繡操大破之

己卯

四年

三月表紹攻公孫瓚于易京獲之 曹操擊破袁術六月術也潰憤慨歐血死 冬張繡率眾降曹操 初置尚書左右僕射

庚辰

五年

正月將軍董承等受密詔誅曹操事洩操殺承等夷三族 九月庚午朔日有食之 曹操與表紹戰於官渡紹敗走操由是威震天下 十月有星孛于大梁 孫策出畋為許貢客所殺弟權襲其餘業

辛巳

六年

三月丁卯朔日有食之。表紹有三子，譚熙尚紹妻愛尚欲立為後，乃出譚為青州刺史，沮授諫不聽，曰：「禍其始此矣。」九月曹操南征，劉備備奔劉表，徐庶言諸葛亮備三往乃見之，以為謀主。

壬午

七年

五月表紹以兵敗憤恚而死，子譚尚爭立，審配矯遺命奉尚為嗣。越嵩男子化為女子，于寘國獻馴象。

癸未

八年

春表譚攻袁尚，譚敗走平原，尚攻之急，遣辛毗詣曹操乞降。救操引軍次黎陽，救譚尚解圍還鄴。孫權伐黃祖破之。

通載四

三十八

阮子

甲

九年

春表尚留審配守鄴，復攻表，譚曹操進軍圍鄴，決漳水灌之。秋尚還救鄴，操擊尚大破之，平冀州。自領冀州牧，尚走中山，譚逐之，并其衆，操責譚負約而討之。

十月有星孛于東井

申

乙酉

十年

正月曹操破袁譚於青州，斬之，表熙表尚為其將，焦觸張南所攻，奔烏丸。

四月黑山賊張飛燕率衆十餘萬降，封為列侯。

有星于北斗

單于蹋頓與表尚數入寇

操北征烏丸出盧龍塞五百餘里秋大破蹋頓以白狼

十月有星于鶉尾

曹操自為丞相七月南征劉表表卒少子琦立

孫權征黃祖斬之十月秋分朔日有食之

於常陽是時操兵號八十一萬震紅東遂

用周瑜計與劉備合兵大破操軍於烏林

通載四

三十九

操自為丞相七月南征劉表表卒少子琦立

孫權征黃祖斬之十月秋分朔日有食之

於常陽是時操兵號八十一萬震紅東遂

用周瑜計與劉備合兵大破操軍於烏林

操自為丞相七月南征劉表表卒少子琦立

孫權征黃祖斬之十月秋分朔日有食之

壬辰

夏孫權城石頭作濡須塢 六月庚寅晦日有食之 七月消水頓
水溢頓劉備攻劉璋所向皆克諸葛亮張飛自荊州沂江取白
帝及江陽 十月曹操征孫權 十二月有星孛于五諸侯

癸巳

六年

春曹操攻濡須與孫權相拒月餘不克而還
五月曹操自立為魏公加九錫 大雨水秋天子聘操三女為貴人
歲星鎮星熒惑俱入太微守帝坐五十日

甲午

七年

春涼州韋康故吏楊阜等攻馬超超奔張魯又奔劉備
四月旱 五月雨水 劉備攻劉璋降之據益州
隴西宋建自稱河首平漢王聚眾枹罕改元置百官三十餘年
十月曹操遣將夏侯淵討之屠枹罕斬建涼州平
皇后伏氏與父完謀誅曹操 十一月操殺后滅其族及二皇子宗
族百餘人

通載四

四十

順前

乙未

八年

正月立貴人曹氏為皇后
五月金城諸將斬韓遂傳首送曹操 遂既兵為亂積三十二
年至是年七十餘矣
七月曹操破漢中張魯降留夏侯淵屯漢中
孫權求長沙零陵桂陽三郡於劉備備不與權使呂蒙襲取
之備至公安乃與權連和

丙申

九年

四月曹操自進號魏王 五月己亥朔日有食之
七月匈奴南單于呼厨泉來朝留之使右賢王去卑監其國
冬操征孫權次于居巢攻濡須

丁酉

春孫權遣使詣曹操請降操報使脩好結婚
冬有星孛于東北是歲大疫 曹操立其子丕為魏太子始
愛少子臨苗侯植欲立之賈詡等諫而止

戊戌

壬午年

正月耿紀韋晃起兵誅曹操不克夷三族
三月有星孛于東方 七月操西征劉備使曹仁討關羽屯樊城

己亥

壬酉年

二月壬子晦日有食之
夏劉備攻夏侯淵破斬之取漢中 七月備自稱漢中王
八月漢水溢
蜀關羽圍曹仁於樊于禁等七軍皆沒
冬孫權遣呂蒙襲公安斬關羽遂取荊州

通載四

四十一

章精

庚子

延康元年

正月庚子魏王曹操薨諡曰武王年六十六操字孟德父高官至
太尉操少機警有權數而任俠放蕩漢末大亂操運籌演謀觀
捷字內諳敵制勝變化如神自作兵書十餘萬言許子將謂操曰
子治世之能臣亂世之英雄操大笑子丕襲位
二月丁未朔日有食之 三月改元

十月帝遜位于魏奉帝為山陽公以青龍二年 三月薨年五十四
諡孝獻皇帝葬禪陵
後漢十三帝合二百九十六年
東西漢通更始共四百二十六年

魏文皇帝

諱丕字子桓姓曹漢相國參之後魏王操太子也月壬午辛未
登壇受漢禪改延康元年為黃初元年大赦追尊皇祖高曰
太皇帝考武王曰武皇帝尊王太后曰皇太后改相國為司徒御
史大夫為司空
托跋神元帝力微

黃初元年

十一月初營洛陽宮徙都之 更授匈奴南單于呼厨泉魏單于
明年劉備稱帝于蜀孫權亦王於吳天下遂三分矣

辛

二年

六月戊辰晦日有食之
八月孫權遣使奉章拜
權為大將軍封吳王加九
錫冬以曹仁為大司馬
孫權徙都武昌立子
登為王太子

蜀先主

劉備漢景帝子中山靖王勝之
後少孤少語言善下人 四月丙
午羣臣上尊號即皇帝位於成
都武擔之南大赦改年國號漢
以諸葛亮為丞相許靖為司徒
五月立皇后吳氏子禪為皇太子
張飛為其左右所害
七月帥諸軍伐吳孫權請和

章武元年

張飛為其左右所害

七月帥諸軍伐吳孫權請和

壬

壬

三年

正月丙寅朔日
有食之 二月
鄴善龜茲于闐
王遣使入獻
三月立皇子宗室
皆為王 八月蜀
大將黃權率眾
降 九月立皇
后郭氏 十月孫
權復叛 帝南征
十二月庚申晦日
有食之

二年

六月先主率諸將進軍
與吳軍相拒於夷陵道
吳陸遜大破蜀軍於猇
亭先主僅以身免
十月詔營南北郊於成
都先主收合離散兵住白帝
孫權聞之懼遣使請和
許之 冬先主不豫

吳大帝

孫權字仲謀
既定諸郡薨以後事
授權張昭周瑜程普
呂範等委事焉初權
外託事魏誠心不款
九月魏軍來伐權遂
改年臨江拒守

章武元年

十二月遣太
中大夫
聘劉備于白帝始通也

通載四

四十二

林

癸

卯

四年

三月月犯心中
央大星大疫
六月太白晝見
是月大雨伊洛
溢流殺人民
八月以鍾繇為太尉

三年

先主病篤託孤於丞相
亮曰君才十倍曹丕終
定大事若嗣子可輔輔
之如其不才君可自
取四月癸巳殂于永
安宮年六十三上謚曰
昭烈皇帝八月葬惠陵
後主 諱禪字公嗣五月
襲位於成都年十
七尊皇后曰皇太后
建興元年 大赦改元
立皇后張氏
丞相亮秉政

二年

春魏曹真分軍據江
陵中州曹仁遣將以
兵攻吳將朱桓相拒
之破常彫等魏軍退
戲口守將晉宗叛
如魏六月令賀齊
等襲斬春生虜宗
十月蜀使鄧芝來聘
自是為常

甲 辰

五年

七月東巡守
八月為水軍親御
龍舟循蔡潁浮
淮九月至廣陵
十月太白晝見十
月戊申晦日有食之

二年

務農殖穀
閉關息民

三年

秋魏文帝出廣陵吳
人臨江以木飾草葦
為疑城一夕而成魏
自江西望甚憚之文
帝曰彼有人焉未
可圖也
權令趙達筭之曰曹
丕走矣然吳衰庚二
計五十八年權曰今
日之憂不暇及子孫

乙 巳

六年

五月熒惑入太微
八月帝以舟師東
征十月幸廣陵
故城臨江觀兵戎
卒十餘萬以大
寒水冰舟不得
入江乃引還

三年

春丞相亮渡瀘擊牂柯
益州越雋永安四
郡皆平
十二月亮遷成都

四年

六月以顧雍為丞相
十二月鄱陽賊彭綺
自稱將軍攻沒
諸縣眾數萬人
是歲地連震

通載四

四十三

阮子

丙 七年

午

明皇帝

五月帝疾篤召曹真陳群曹休司馬懿並受遺詔輔政立子叡為皇太子丁巳崩于嘉福殿年四十葬首陽陵諱叡字元仲丁巳即皇帝位大赦尊皇太后曰太皇太后皇后曰皇太后追諡母甄夫曰文昭皇后

四年

七月征魏江夏

圍石陽不克

丁 未

太和元年

十月焉耆王遣子入侍十一月立皇后毛氏氏封后父嘉為列侯十二月新城太守孟達反詔司馬懿討之

五年

春丞相亮率諸軍

北駐漢中以圖中原

六年

正月諸將獲彭瑋

閏月韓琮以其眾降

戊 申

二年

正月司馬懿攻破新城斬達傳其首蜀大將諸葛亮寇邊遣曹真張郃擊破亮軍於街亭三郡平五月大旱十二月諸葛亮圍陳倉曹真遣將費曜等拒之

六年

春亮出攻祁山而南安天水安定三郡叛魏應亮關中震動馬謖違亮節度大為魏將張郃所破亮戮謖以謝眾而還冬復出國陳倉糧盡退魏將王雙率騎追亮亮與戰破斬雙

七年

五月鄱陽太守周鲂偽叛誘魏將曹休破休於石亭

通載四

四十四

毛諒

己

酉

庚

戊

三年

七月詔後嗣有由諸侯入奉大統當明為人後之義敢為佞邪導諛時君謂考為皇妣為后則股肱大臣誅之無赦 十二月奉安高皇帝太皇帝武帝文帝神主于廟 冬大月氏王波調遣使奉獻以調為親魏大月氏王

七年

春亮遣陳式攻魏武都 陰平遂克定二郡 六月遣陳震慶孫權踐位 冬亮徙府營於南山下 原上吳蜀約盟共交分天下

黃龍元年

春公卿百司勸正尊號四月丙申南郊即皇帝位大赦改元 追尊父堅為武烈皇帝母吳氏為武烈皇后立子登為皇太子 九月遷都建業使陸遜輔太子掌武昌留事

四年

七月詔曹真司馬懿代蜀 九月大雨伊洛河漢水溢 詔真等班師 十一月太白犯熒星

八年

秋魏使司馬懿由西城張郃由子午曹真由斜谷欲攻漢中丞相亮待之於城固赤阪大雨道絕真等皆還 魏延破魏雍州刺史郭淮于陽谿

二年

春遣衛溫諸葛直將士萬人浮海求夷洲及洲 宣洲在海中傳言徐福將童男女入海求仙止此絕遠不可得 至但得夷洲數千人還 詔立都講祭酒以教學諸子

通載四

四十五

辛

亥

五年

三月諸葛亮冠天水詔司馬懿拒之亮破懿軍於鹵城 四月鮮卑軻比能率其種人及丁零大人兒禪貢名馬十一月犯軒轅大星戊戌晦日有食之十二月月犯鎮星

二月亮圍祁山以木牛運魏司馬懿張郃九年救祁山 六月亮糧盡退軍郃追至青封與亮交戰射殺郃

夏孫布詐降以誘懿將王凌凌以軍迎懿十月權以大兵討亮伏於阜陵侯之覺而走 十二月大赦明年改元

壬子

六年

三月月犯軒轅大星七月以董昭為司徒 十一月太白晝見有星孛于翼近太微上將星

亮休士勸農於黃沙教兵講武

嘉禾元年

十月魏遼東太守孫淵遣使藩并獻貂馬權大

癸

青龍元年

軻比能叛寇邊遣秦

正月青龍見郊之摩陂井中二月改年 閏五月庚寅朔日有食之 鮮卑步度根及元明討破之虜走漢北 十二月公孫淵新送吳使首以關為大司馬樂浪公

十二年

冬亮使諸軍還米集於斜谷口治斜谷邸閣

二十二年

春詔封公孫淵為王 王大赦天下遣張騫許晏賀達等將兵萬人金寶珠貨九千備物乘海授淵表朝大臣丞相雍等諫不聽淵果斬彌等送首于魏沒其兵資

通載四

四十六

吳

甲寅

二月太白犯熒惑四月大疫 五月太白晝見 孫權攻合肥新城 七月帝御龍舟東征 二年至數百里權退走 進幸壽春 十月月犯鎮星及軒轅 月犯太白 十一月京都地震有聲

春亮由斜谷出衆十萬以流馬運糧武功五丈原與司馬懿對峙於渭南懿堅壁不出亮致中憫婦人 十二年之節以遺之八月亮薨于軍時年五十四魏延與楊儀爭權舉兵相攻延敗走儀率軍還成都以蔣琬爲尚書令惣統國事

夏權率大衆圍合肥 新城又遣陸遜孫韶 入淮沔魏明帝自 還孫韶亦罷九月廣 霜傷穀

乙卯

止月以司馬懿爲太尉 十月太白晝見 幽州刺史王雄遣人刺 三年 叙軻比能鮮卑由 是襄散時大治洛陽宮 起昭陽太極殿失農時 楊阜高堂隆等切諫不聽

正月中軍師楊儀有 罪自殺諸葛亮葬漢 中定軍山詔贈 丞相武鄉侯印 綬謚曰忠武子瞻嗣爵 四月以蔣琬爲大將軍

七月雨雹 魏使以馬木易珠璣 四年 裴翠瑋瑁權曰此 皆孤所不用而可得 馬聽其交易

丙辰

二月太白晝見月犯太 白及軒轅一星入太微 七月太白犯軒轅大星 五月肅慎氏獻楛矢 四年 七月高句驪王宮斬 送吳使胡衛首 十月有星孛于大辰又 孛于東方 十一月彗星 見犯宮者天紀星

徙武都王 十四年 符健於廣都

春鑄大錢一當五百 五年 冬彗星見于東方

丁巳

春有司奏魏得地統宜 以建丑月爲正三月定 歷改元改大和歷曰景 初歷六月京都地震 秋遼東公孫淵 反自立爲燕王

十五年

二月陸遜討都陽 彭旦破之 六年 十月諸葛恪討 小越平之

太白晝見十月月犯熒惑 母丘儉進軍討公孫 淵會連雨十日遼水漲 引還 九月皇后毛氏賜死

通載四

四十七

順則

戊

午

春詔司馬懿帥眾討遼東 二月月犯心距星又犯中央大星五月亦如之 八月有彗星見張宿

二年

司馬懿圍公孫淵於襄平大破之斬淵傳其首海東諸郡平 十二月帝不豫 辛巳立皇后郭氏 甲申以曹爽為大將軍

正月立皇后張氏

延熙元年

大赦改元 立子璿為皇太子 十月蔣琬出屯漢中

春鑄當千大錢 八月以赤烏集殿前詔改年

赤烏四年

初權信任校事呂壹壹性苛慘用法深刻太子登數諫不納後壹姦罪發露伏誅權引咎求諫

巳

未

通載四

四

頭

正月召司馬懿曹爽入

三年

卧内令輔少子丁亥帝崩于嘉福殿 年三十六葬高平陵

明帝沉毅斷識當百姓彫弊之時不先開拓洪基而宮館是營格之遠猷其殆疾乎

齊王

諱芳字蘭卿明帝無子養王及秦王

詢為子 丁亥立為皇太子是日即皇帝位大赦年八歲尊皇后曰皇太后

曹爽用丁謚計陽尊司

馬懿為太傅爽兄弟專政

二月西域重譯獻火浣布

十二月詔復以建寅之月為正

三月進蔣琬位為大司馬

二年

冬廖式自稱平南將

二年

軍與弟潛舉兵 眾數萬人呂岱唐咨討破之

甲子

二月曹爽之黨欲爽立威名勸伐蜀爽率眾十餘萬西征蜀人守險兵五年不得進五月引軍還四月朔日有食之九月鮮卑內附置遼東屬國

魏人向漢中遣王平拒七年興勢圍費禕督諸軍赴救魏軍退

正月以陸遜為丞相七年

乙丑

春南安地震

六年

八月高柔為司空

八年

夏雷霆犯宮門柱天擊南津大橋楹茶陵縣鵠水溢出流漂居民二百餘家七月將軍馬茂等圖逆夷三族八月大赦

丙寅

母丘儉討高句驪及滅

貊皆破之

七年

韓那奚等數十國率種落降

十月蔣琬薨後主始親政

九年

官人黃皓用事

二月朱然征魏祖中

九年斬獲千餘

九月以步騭為丞相

丁巳

二月朔日有食之

七月何晏奏今後御幸

八年

式乾殿及游豫後園皆大臣侍從因

從容詢謀政事講論經義為万世法

費禕姜維共錄尚書事

十年

汶山平康夷反維討破之

三月改作太初宮

十年

十月赦死罪

通載四

五十

余集

戊辰

九月王凌為司空
九年

十月大風發屋折木

夏費禕出屯漢中

十二年秋涪陵屬

國民夷反討平之

二月地仍震

十年

四月雨雹

己巳

正月甲午太白襲月車駕
謁高平陵曹爽兄弟皆從
司馬懿發兵閉門奏爽罪
惡帝還懿收爽及其黨丁
夷三族丙午大赦 四月乙丑
改年 十二月以王凌為太尉
孫禮為司空以司馬懿為
丞相加九錫固辭不受

嘉平元年

謚鄧颺何晏李
勝相範悉誅之

魏右將軍夏侯
霸來降

十二年四月大赦

將軍句安李韶
降魏

十二年

四月有兩烏銜鵠墮東館

朱據領丞相燎鵠以祭

通載四

五十一

章楷

庚午

冬征南將軍王昶渡江
二年 掩攻吳破之
斬其將鍾離茂許旻

十三年

五月日至焚惑入南斗七月
犯魁第二星而東八月山崩
鴻水溢 初潘夫人有寵生
子亮魯王霸謀去太子和
而代之全公主譖和而譽亮
十三年八月廢太子和賜魯王
霸死 十月立子亮為太子
魏王昶圍南郡王基攻西陵
遣戴烈陸凱拒退之 是歲
神人授書告以改年立后

辛未

三月以司馬孚為司空
四月太尉王凌謀起兵廢
帝立楚王彪以討司馬懿
事覺懿東征凌

三年

五月凌自殺彪賜死
七月太傅宣王司馬懿

薨年七十三謚文宣猜忍有狼
顧相終遷魏鼎子師襲位
錄尚書事 司馬孚為太尉
鄭沖為司空

冬大赦

十四年

費禕北駐漢壽

太元元年

為立第舍
八月朔大風江海涌溢

平地深八尺 十一月大赦吳主
寢疾召諸葛恪於武昌委以
國政輔太子 詔省縣役減
征賦除民所患苦

汪

申

六

酉

七月以司馬師為大將軍

八月立皇后張氏大赦

二月魚二見武庫屋上

十一月詔王昶胡遵

毋立檢征吳

二月吳諸葛恪大破眾

軍於東湖 故將軍韓

浮屠嘉

立子琮為西河王

十五年

正月立子和為南陽王

神龜元年

二月大赦改元王

表亡去 四月吳主殂年七

十一謚曰大皇帝葬蔣陵

權狂才尚計英人之傑能

成鼎峙之業然嫌忌果於

殺戮末年滋甚

嗣主

亮字子明四月即尊

號大赦改元年九歲

以諸葛恪為帝太傅滕胤

建興元年

為衛將軍領尚書

事十二月朔大風

雷電

通載四

五十二

既行

四月大赦

五月吳人圍新城詔司

馬孚拒退之

五年

自帝即位至是即

國縣道多所置省儉

還復不可勝紀

正月費禕為魏

降人郭循所殺

十六年

四月姜維率眾

圍南安不克而還

正月立皇后全氏大赦

夏諸葛恪率軍二十餘萬

伐魏圍合肥新城大疫兵

二年卒死者大半八月引軍

還十月大饗武衛將軍孫

峻伏兵殺恪於殿堂大赦

以峻為丞相封富春侯

甲

一月中書令李豐與后父張緝謀殺司馬師事覺皆

六年族誅 三月廢皇后

張氏 四月立皇后王氏六赦

九月司馬師廢帝歸藩于

齊年二十三

高貴公鄉公諱髦字季士

文帝孫東海定王霖之子

太后令以公為明帝嗣庚

寅即皇帝位於太極前殿

昭元元年 大赦改元

十月黃龍見于鄴井中

六月姜維率眾

出隴西

十七年

冬拔狄道

河關臨洮三縣民

夏大水

五鳳元年

十二月星孛于斗

戌

通載四

五十三

林

乙

二月毋丘奢與欽

師征之破欽於樂嘉欽

大奔吳斬儉傳首京都

壬子大將軍司馬景王師

薨于許昌年四十八謚

曰忠武以其弟昭

二年 襲位錄尚書事

三月立皇后卞氏大赦

四月封后父隆為列侯

諸葛誕擊破吳軍斬

其左將軍留贊獻捷

于京師

夏姜維率軍出

狄道與魏雍州

十八年

刺史王經戰于洮

西大破之

春孫峻率眾十萬襲壽

春為魏將諸葛誕拒擊

二年 破之

秋陽羨離里山大石自立

是歲大旱

亥

戊

二月諸軍陷壽春城斬諸葛誕蜀軍亦退鮮卑力微和親

三年

八月以王昶為司空詔行養老禮以王

祥為三老鄭小同為五更青龍黃龍仍見頌五陽夏井中

史官言景星見大赦改年

景耀元年

宦人黃皓始專政

自八月沉陰不雨四十餘日

三年

亮以緄專恣與全尚劉丞謀誅緄尚泄其

謀九月緄黜亮為會稽王年十六

琅邪王

諱休字子烈權弟六子緄迎休十月

卯即位大赦改元

永安元年

壬午以緄為丞相緄一門五侯皆典禁

兵欲謀逆十一月帝與張布謀因臘會縛緄誅之

通載四

五十五

顧淵

巳

正月黃龍二見寧陵縣界井中帝曰龍者君德

四年

也數屈於井非嘉兆也作潛龍詩以

自諷司馬昭見而惡之士月孫壹為婢所殺

六月壬子謫為地者恂

二年

為新興王虔為上黨王

正月震震

二年

庚

辰

五年 正月朔日有蝕之
四月進司馬昭位
為相國封晉公加九錫
五月帝欲誅司馬昭兵敗
齊以謝天下
陳留王 諱奐字景明武帝
孫燕王宇之子封
常道鄉公太后詔迎公以
元王祥為司空
十一月黃龍見華陰縣井中

三年

三年 謠言王亮當還為天子
秋黜亮為侯官侯亮自盡

辛

巳

五月朔日有食之
鮮卑力微遣太子沙
二年 漢汗來朝留洛陽
秋樂浪外夷韓濊貊
率屬來朝貢

四年

十月大赦

四年

五月大雨水泉涌溢

通載四

五十六

吳

壬

三年

二月青龍見軹縣井中
四月肅慎國重譯入貢

五年

姜維率眾出侯和為魏將
鄧艾所破還住沓中

五年

八月大雨震雷水泉涌溢
立皇后朱氏子暉為太子大赦
吳主作四男名字
雷音字齒 音雷字真
詎音字益 音寇字真

癸

未

夏詔鄧艾鍾會等伐
蜀十月立皇后卞氏
四年 十月大赦諸軍
伐蜀所至輒克蜀主
劉禪詣艾降巴蜀皆平

六年

夏魏軍數道來攻
大赦改元 鍾會拔漢中冬
鄧艾破諸葛瞻於綿竹又
破姜維於疆川後上用譙
周策奉書降於艾
共地王謀傷國之
自殺於廟明年
正月後主舉家東遷至洛
陽三月封禪為安樂縣公
太始七年薨
漢二主共四十二年

救蜀蜀主降魏問平乃罷

甲

春鄧艾為鍾會所譖檻車追艾會尋反於蜀為眾所討艾亦見殺 三月進晉公爵為王封劉禪為安樂公王祥為太尉何曾為司徒荀顛為司空

咸熙元年

五月甲戌改年

八月命司馬炎副貳相國事 九月

為撫軍大將軍 十月命為晉世子是歲命荀顛定禮儀賈充正法律裴秀議官制 郭冲摠裁之

七年

七月帝殂年三十謚曰景皇帝葬定陵

烏程侯

皓字元宗孫和子也時蜀初亡

國內震懼貪得長君丞相僕陽興將軍張布用萬戍言迎皓立之年二十三

元興元年

改元大赦 九月駈太后為景皇后追

謚父和曰文皇帝尊母何為太后 十月立皇后滕氏 皓得志驕暴大小失望與布悔之或以譖皓 十月誅興布

申

通載四

五十七

陳書

乙

二年

八月相國晉文王司馬昭薨年五十五 太子炎紹封襲位 九月大赦

十二月壬戌詔禪位于晉封帝為陳留王遂改次于金墉城而終館于鄴時年二十 魏曹氏五主凡四十六年

西晉世祖武皇帝

諱炎字安世姓司馬氏文王長子母王氏受魏禪

十二月丙寅即皇帝位大赦改元都洛陽

泰始元年

追尊宣王景王文王並為皇帝 尊母大妃曰皇太后宮曰崇化

以何曾為丞相封宗室為王以安平王孚為太宰

酉

甘露元年

送休之四子於吳小城又追殺

大者二人眾莫不痛切 十一月徙都武昌大赦

四月改元大赦

七月皓逼殺景后朱氏

丙

二年

正月立皇后楊氏

七月丙午晦日有食之

十月丙午朔日有食之 十月倭人來獻方物

八月改年大赦

陸凱為左丞相萬歲

寶鼎元年

為左丞相

十二月還都

建業

留衛將軍滕牧鎮武昌

戌

亥 丁

三年

正月丁卯立皇子衷為皇太子年九歲哀聞

弱不辨菽麥和矯衛躡屣以為言

荀顛等保護之故不廢

閏三月丁未晝昏

九月以何曾為太保義陽王望為太尉荀顛為司徒

二年

右丞相萬歲上鎮已立

六月起昭明宮

通載四

五十一

陳明

子 戊

正月以裴秀為司空 有星孛于軫

丁亥帝耕于籍田戊子大赦天下

四年七月大山石崩眾星西流

九月青徐兗豫大水伊洛溢合於河

十二月扶南林邑各遣使來獻

九月吳主出東關

三年

丁奉攻合肥

己

五年

二月青徐兗三州水 以左僕射羊祜鎮襄陽

正月立子璿為太子

建衡元年

四月地震

九月有星孛于紫宮

十月改年大赦

庚

春吳將丁奉入渦口擊走之

六年九月大宛獻汗血馬焉耆來貢方物

二年

春萬或還建業

寅

十二月吳夏口督孫秀帥眾來奔

三月天火燒萬餘家

辛

二月孫皓帥眾趨壽陽遣大司馬望屯淮北以拒之

正月晦皓舉大衆出華里皓母及妃妾皆行欲攻

七年

三月北地胡寇金城五月雍梁秦三州饑六月大雨霖伊洛河溢流殺居人四千餘家

三年

晉以應童謠曰青蓋入洛陽遇大雪

卯

十月丁丑日有蝕之 十二月鄭袤為司空

塗陷兵人不堪華覈等固爭乃還大赦

通載四

五十九

毛詒

壬

二月納賈充女南風為太子妃太子畏而惑之

八月西陵督步闡叛據城降晉遣陸抗圍之城

九年 衆出江陵楊肇迎闡於西陵 十二月

鳳凰元年

陷誅闡夷三族大赦

肇攻陸抗不剋而還

右丞相萬或被譴憂死

十月辛未朔日有食之

徙其子弟於廬陵

癸

四月戊辰朔日有食之 五月旱 以何曾領言從

三月以陸抗為大司馬

九年

七月丁酉朔日有食之 吳將魯淑圍弋陽王渾擊敗之

二年

鮮卑寇廣甯殺略五千人

九月封上王王給三千兵大赦

甲午

正月詔近世以來多皆內寵登妃后之職亂尊卑之序今後不得登用妾媵以為嫡正
三月癸亥日有蝕之夏大蝗
九月陳騫為太尉攻拔吳枳里城
吳將孫遵李承帥眾寇江夏秭喜擊破之
十二月有星孛于軫是歲鑿陝南山
汝河東注洛以通運漕

十年

會稽妖言章安侯奮當為天子太守郭誕
不自妖言送付建
安作舡將軍孟泰
王嗣帥眾降晉
自改年及是歲連大疫

三年

吳郡言掘地得銀長一

正月朔大赦改元 六月鮮卑力微遣子來獻
七月甲申晦日有蝕之郡國螟冬大疫洛陽死者大半

咸寧元年

十二月追尊宣帝廟曰高祖景帝
曰世宗文帝曰太祖 劉元海為任子在洛陽
王渾見而奇之言於上上召見與語大悅

天冊元年

尺大赦改年
燒鋸殺中書令賀邵

丙申

二月東夷八國歸化 五月汝陰王駿討北胡斬其渠帥吐敦 六月有星孛于氏七月有星孛于大角 東夷十七國內附吳臨平湖自漢末壅塞至是自開父老相傳云此湖塞天下亂此湖開天下平 八月河東平陽地震有星孛于大微九月又孛于翼
十月立皇后楊氏大赦十二月封后父駿為臨晉侯
吳京下督孫楷帥眾來降封丹陽侯

二年

臨平湖開湖邊得石函
中有小石青
白色長四寸
刻作皇帝字於是大赦改年

天國元年

歷陽山石文理成字云
楚九州渚吳九州都揚

丁酉

三年

鮮卑力微死在位五十八年年二百四歲
追尊為始祖神元皇帝子悉鹿立
十二月吳將孫慎入江夏汝南燒略居民西北雜虜及鮮卑匈奴五溪蠻夷東夷三國各帥種落內附

九月七州大水

州士作天子四世
治太平始改元

天紀元年

大赦以協石文將軍邵凱
夏祥帥眾七千餘人降晉

酉

戊

正月庚午朔日有蝕之

東夷六國來獻

四月蚩尤旗見於東井 六月陰平廣武地震

四年

七月荆揚郡國二十皆大水

十月衛瓘應綽伐吳皖城斬首五千

焚穀米百八十萬斛

十二月羊祜卒年五十八祜密計平吳疾篤

乃舉杜預自代都督荊州

七月立成紀宣威等十三王

二年

王給三千兵大赦

戊

通載

六十一

林

巳

三月匈奴都督拔奔虛帥部落歸化

乙亥有星孛于柳 四月又孛于女御郡國八

雨雹傷稼壞廬舍 七月有星孛于紫宮

十月匈奴餘渠都督獨雍等帥部落歸

化汲郡人掘魏襄王家得竹簡小篆古書

十餘萬言藏于秘府

五年

十一月大舉伐吳遣琅邪王伷出涂中

王渾出江西王戎出武昌胡奮出夏口杜預

出江陵王濬唐彬率巴蜀卒浮江東下凡二

十餘萬以太尉賈充為大都督楊濟為副

總統眾軍

肅慎來獻楛矢石砮

八月以軍師張悌為丞相
冬北軍大出數道來攻陶

三年

濬至武昌停駐不前
皓酷虐無道昏

險諛貴幸好興功役人不
堪命上下離心莫為皓盡力

庚

正月王渾剋吳尋陽諸城二月王濬諸軍所嚮皆克杜預拔江陵渾又大破吳兵於版橋斬吳丞相張悌三月王濬以舟師入石頭孫皓窮蹙詣濬降得州四郡四十三縣三百一十三兵二十三萬大赦改元

太康元年

五月封皓為歸命侯丁卯薦鄴澤酒于太廟邵國六甕傷秋稼

七月東夷二十餘國朝獻

八月車師前部遣子入侍

九月羣臣以天下一統請封禪不許以王濬為輔國大將軍杜預以下增封羣臣上壽帝執爵流涕曰此羊太傅之功因策告祐廟

子

春立中山代等十一王大赦晉軍所在戰克三月殿中親近數百人請殺岑昏皓惶憤從之用薛瑩胡

四年

冲等計分遣使奉書於濬由渾

請降皓舉家西遷五月集于洛陽至五年

吳四主共五十九年

編年通載第四



晁公武郡齋讀書志

編年通載十五卷

右皇朝張案章衡撰衡觀四部書至古今纂輯運麻書

十餘家皆淺陋案通攷桓案通攷釀無足紬繹乃編歷代年號貫以甲

子始於帝堯訖於國朝治平丁未質之經史資以傳記百

家之書聖賢勲德姦雄篡竊及蠻夷盜賊凡繫於存

亡綱紀之大者無不詳錄總三千四百年且刊正謬誤如

史記載舜年虞書不同漢紀載魏受漢禪與魏志

受禪壇碑各異之類熙寧七年表案表獻之之誤

陳直齋書錄解題

編年通載十五卷

集賢院學士建安章衡子平撰編歷代帝系年號始自唐

虞迄於聖宗治平四年總三千四百年熙寧七年上其族父

案質夫為之序衡嘉祐二年進士首選也

文淵閣書目

編年通載十冊 卷一百六十九

編年通載五冊 卷一百七十

內閣書目

編年通載五冊

編年通載十冊

內閣藏書目錄

編年通載二冊不全

宋元佑間起居舍人章衡撰進斷自帝堯訖于宋治平

丁未摠三千四百年推甲子以冠其首凡史之訛謬疑誤皆為

辨證世數代易歷統相傳年名國號災祥善惡具載焉

凡十卷其第五卷以下皆闕

絳雲樓書目

編年通載二冊

述古堂藏書目

章衡編年通載二本宋板十五卷

萊竹堂書目

章衡通載五冊

焦竑國史經籍志

編年通載十五卷
宋章衡

章衡編年通載世間向無傳本偶於友人處見一書估為余言是書友人亦為余言此書之善蓋書估先以此書質諸余友而為之評論其價直也既而書友引至某坊往取樣本示余詭云有他人已先取觀未敢與君議交易問其緣由本某坊物而為伊所涉手者余亦不辨其為誰之物第問其價則同然一辭必得白金五十兩而後可余雖愛其書然彼既以他人先取為辭未便持此樣本歸越日探知書賈已還某坊遂從某坊得之竟予以四十金以四金勞書估為其先為余言也及交易後某坊始為余言初不識此書之貴四十金之數即君友人所定云因誌其顛末如此

復翁

余既得章衡編年通載四卷殘本宋刻
為之誌其顛末并歷考自宋以來之書
目為之引證矣欣喜之情有不能已於
言者復為之跋于尾曰余性喜讀未見
書故以之名其齋自後所見往得未
曾有始信天之於人必有以報之也古人
云思之思之鬼神通之余之於書殆造
斯境與即如此書雖歷載於宋人諸
家目錄及明朝收藏諸家然世間絕
無其書今得見宋刻殘本足徵古書授受
源流為之拍案叫絕一卷數之古可信向傳
十五卷聞通志略云十卷此序云列為十卷
其可信者一一收藏之可信文淵閣書目載
有二部一十冊一五冊此第三卷有文淵閣印
其可信者二一殘闕之可信十冊五冊文淵
閣彙竹堂冊五所載所如是二冊內閣絳雲
樓述古堂所載又如是其裝四冊者或十冊
五冊之有所失二冊之有所分其第五卷以

下皆闕與內閣藏書目錄合其可信者三
至于圖記之冠以南昌標題之說于西
晉皆向來藏弄之淵源足以傳信者也
後跋書一葉適命盡因輟筆至九月
廿有七日尋獲故命補書後一葉時病
手腕力軟弱強為之筆跡与前稍殊也

復翁又識

己巳正月見甲申歲刊于白鷺洲書院本
前漢書其卷首有云今本注末入諸儒辨
論具列如左却載章衡編年通載是
在宋時其書固盛行也因并記之 復翁



宋景文公 祁 所用諸本參校具列如左

古本 顏師古未注以前本

唐本 張唐公家所得唐本

江南本 金披遺事云 太祖平江南賜本院書 三千卷皆紙札精妙東原榮氏私記云

江南本宣和間尚在 御府故流傳人間初 外氏先君丁希韓通籍 睿思殿因見江南

本愛賞之無緣借出參校遂以薄紙分 手抄錄及歸各寫於家本幾年而後畢

舍人院本 江南本在舍人院 亦曰舍人院本

淳化本 國朝會要曰淳化五年七月詔選官分 校史記前後漢命陳充阮思道尹少連

大卅七
小卅六

前漢本

趙況趙安仁孫何校前後漢畢 遣內侍裴愈賫本就杭州鏤板

景德監本 國朝會要曰咸平中 真宗命刀 銜晁迥與丁遜覆校兩漢書板本

迥知制誥以陳彭年同其事景德二年十月 銜等上言漢書歷代名賢注釋至有章句不

聞名氏交錯除無考據外博訪羣書偏觀諸 本校定凡三百四十九卷簽正三千餘字錄

為六卷 以進

景祐刊誤本 景祐元年九月秘書丞余靖上 言國子監所印兩漢書文字舛

偽恐誤後學臣謹參括衆本旁摺他書列而 辨之望行刊正詔送翰林學士張觀等詳定

聞奏又命國子監直講王洙與靖偕赴崇文 院讎對二年九月校書畢凡增七百四十一

字損二百一十二字改
正一千三百三十九字

我公本今不詳何人

燕國本

曹大家本

陽夏公本

晏本

郭本

姚本

大五十九
小六十一

前漢本

浙本

閩本

今本用宋景文公本校定外復將諸本

參校具列如左

熙寧本熙寧二年參知政事趙抃進新校漢書五十冊及陳繹所著是正文字七卷

卷子古本古字

史館本舊本

國子監本宣和六年本

陳和叔本

熙寧中所校

邵文伯本

用景文本校

謝克念本

用景文本校

楊伯時本

用謝本校

李彥中本

用楊本校

張集賢本

張瓌得唐世本校

王性之本

用景德中監本校

趙德莊本

用秘閣本校

大七十六
小五十六

前漢本

沈公雅本

用秘閣本校

劉共甫本

用景文本

王宣子本

用秘閣本校

今本注末入諸儒辨論具列如左

蕭該音義

司馬貞索隱

孫巨源經綸集

學官考異

章衡編年通載

楊侃兩漢博文

漢書刊誤

楚漢春秋

史義宗本

西京雜記

朱子文辨正

孔武仲筆記

大五十六
小七

前漢本

三劉刊誤

劉敞
劉奉世
劉敞

紀年通譜

甲一

彭雲

甲申歲刊于

白鷺洲書院

光緒五年己卯冬十月十三日新造
与鈞吳縣潘道祺中江李鴻裔元鯨顧
文彬香州彭恩高吳縣潘曾瑋歸安沈
秉成壽吳氏聽楓山館同觀志喜



紀年通譜

淡州壽吳氏聽楓山館同觀志喜
光緒五年己卯冬十月十三日新造

圖書在版編目(CIP)數據

編年通載〔宋〕章衡撰.—北京：北京圖書館出版社，
2003.10

(中華再造善本)

ISBN 7-5013-2016-0

I.編… II.章… III.中國—通史 IV.K20

中國版本圖書館CIP數據核字(2003)第000714號

ISBN 7-5013-2016-0



9 787501 320165 >

書名 編年通載(全四冊)
著者 〔宋〕章衡撰

出版 北京圖書館出版社(100034 北京市西城區文津街七號)
發行 Tel:(010)66151313 Fax:(010)66174391

E-mail: Btstxb@publicf.nlc.gov.cn

Website: www.nlcpress.com

印刷 北京文津閣印務有限責任公司

開本 八

印張 五九·七五

版次 二〇〇三年十月第一版第一次印刷

印數 一—二〇〇

書號 ISBN 7-5013-2016-0/K·477
定價 一九一五圓

